1 Хуснэгт, хаягийн арифметик

Санах ойд дарааллан байрласан элементүүдийн цувааг хүснэгт гэж нэрлэдэг.

Дүрэм:

төрөл нэр[хэмжээ];

Санах ойд дарааллан байрлана гэдэг нь хүснэгтийн элементүүд, хэрэв хүснэгт int төрөл бол дөрөв, дөрвөн byte-ийн зайтай, хэрэв char төрөл бол нэг, нэг byte-ийн зайтай санах ойд байрлана гэсэн үг.

Хүснэгтийн санах ойд эзлэх нийт хэмжээ нь хэмжээ * төрлийн хэмжээ байна.

```
#include <stdio.h>
int main() {
    int a[100];
    char s[100];
    printf("%u\n", sizeof(a)); // 400
    printf("%u\n", sizeof(s)); // 100
    return 0;
}
```

sizeof функц нь компайлдах үед дамжуулсан аргумент, хэдий хэмжээний хэсэг ой байгааг буцаадаг.


Хүснэгт файлийн хүрээнд зарлагдвал хэмжээ нь заавал тогтмол байна.

```
#include <stdio.h>
int size = 10;
int array[size]; // Aldaa: filiin hureend huvisah hemjeetei husnegt
char s[100]; // Zov: togtmol hemjeetei husnegt
int main() {
   int n;
   scanf("%d", &n);
   int a[n]; // Zov: n hemjeetei husnegt main() funkts dotor.
   return 0;
}
```

Хуснэгтийн нэр өөрөө хамгийн эхний элементийнхээ санах ойн хаягийн хадгална.

```
#include <stdio.h>
int main() {
   int a[100] = {1, 2, 3, 4, 5,};  // int husnegt zarlaj bna
   printf("%u", a); // 0-r elementiin hayg
```

```
printf("%u", a + 1); // 1-r elementiin hayg
printf("%u", a + 2); // 2-r elementiin hayg
printf("%u", &a[2]);
char s[100];
printf("%u", s); // 0-r elementiin hayg
printf("%u", s + 1); // 1-r elementiin hayg
printf("%u", s + 2); // 2-r elementiin hayg
printf("%u", &s[2]);
return 0;
}
```



Зураг 1: хүснэгт

Зураг 1-т үзүүлснээр **а** хүснэгтийн санах ой 1000-аас эхэлж байна.

int төрлийн хүснэгтийн нэр дээр 1-ийг нэмбэл санах ой нь 4byte-аар нэмэгдэн хүснэгтийн дараагийн элементийн санах ойг заана. Харин char төрлийн хүснэгтийн нэр дээр 1-ийг нэмбэл 1byte-аар нэмэгдэн дараагийн элементийг зааж байна.

Тэгэхээр доорх үйлдлүүд нь бүрэн боломжтой.

Жишээ: Тэмдэгт мөрийг %s хэрэглэлгүй хэвлэх.

1.1 Би $char \ a//$ нь $char \ *a$ -тай адилхан гэж бодсон юм?

Ерөөсөө үгүй. Хүснэгтүүд бол хаяган хувьсагчид (заагчууд) биш. $char\ a[6]$ гэдэг бол a гэж нэрлэгдэх 6 ширхэг тэмдэгтийн зайг үүсгэхийг зарлаж байна. Энэ нь a гэж нэрлэгдсэн газар 6-н ширхэг тэмдэгт сууж болно гэсэн үг. Харин $char\ ^*p$ нь p гэж нэрлэгдэх хаяган хувьсагчийг хадгалах зайг хүсэж байна. Энэ хаяган хувьсагч нь бараг бүхий л санах ойг зааж чадна: ямар ч $char,\ char$ төрлийн дараалсан ямар ч хүснэгт, эсвэл хаашаа ч үгүй.

x[3] гэсэн код x нь хаяган хувьсагч уу эсвэл хүснэгт үү гэдгээс хамааруулан өөр өөр код үүсгэнэ гэдгийг мэдэх хэрэгтэй. Компайлар a[3] үйлдэлд a хаягаас эхлэн, хойш 3 яваад, тэнд байгаа тэмдэгтийг авах код гаргана. Харин p[3] үйлдэлд p хаягаас эхлэн, тэнд байгаа хаяган утгыг авч, тэр хаягаас эхлэн, хойш 3 яваад, тэнд байгаа тэмдэгтийг авах код гаргана. Энд хоёул 'l' тэмдэгтийг буцааж байгаа боловч тэнд өөр өөрөөр очиж байна.

1.2 Функцийн параметрт хүснэгтийг дамжуулах

```
void f(char a[])
{ ... }

Энд а нь хүснэгт биш хаяган хувьсагч юм.
Угаасаа эдгээр функцүүдэд хүснэгт дамжуулахад хаяг л хүлээж авна.

void f(char *a)
{ ... }

int a[100];
f(a);
```

Энд хүснэгтийг хаягаар нь өөрчлөх учраас функцэд хийсэн өөрчлөлт дамжуулсан хүснэгтэд нөлөөлнө.

1.2.1 Хоёр хэмжээст хүснэгтийг функцэд дамжуулах

Доор NROWS мөртэй, NCOLUMNS баганатай хоёр хэмжээст хүснэгтийг $void\ f(int\ (*)[])$ функцэд дамжуулж байна.

```
int array[NROWS][NCOLUMNS];
f(array);
```

Функцийн тодорхойлолт болон зарлалт доорхтой тохирох ёстой:

```
void f(int (*)[]); // zarlalt
void f(int a[][NCOLUMNS]) // todorhoilolt
```

```
{ ... }

// esvel

void f(int (*ap)[NCOLUMNS])

{ ... }
```

Функц тухайн хүснэгтийн хаягийг л авч байгаа болохоос тухайн хүснэгттэй ижил хэмжээний хүснэгт үүсгэхгүй. Тийм учраас мөрийн хэмжээг мэдэх шаардлагагүй. Гэвч баганын хэмжээ чухал.

1.3 Тэгэхээр хүснэгт, хаяган хувьсагчийн ялгаа юу вэ?

Хүснэгт

- 1. Хүснэгт бол ганцхан, өмнөөс хуваарилагдсан, дараалсан элементүүдийн (бүгд нэг төрөл) хэсэг, хэмжээ ба байрлал нь тогтмол.
- 2. Санах ой автоматаар stack дээр хуваарилагддаг, ба ахин хэмжээ, хаяг нь өөрчлөгдөхгүй.

Хаяган хувьсагч

- 1. Хаяган хувьсагч хаа нэгэн газар байгаа ямар нэгэн элементийг (тодорхой төрлийн) заана.
- 2. Ахин өөр хаяг зааж болдог (malloc ашиглан санах ой хуваарилаад хэмжээг нь өөрчилж болдог).
- 3. Хаяган хувьсагч хүснэгтрүү зааж болдог ба динамикаар хүснэгт үүсгэн (malloc-oop) хүснэгтийг дүрсэлж чаддаг. Хаяган хувьсагч нь илүү ерөнхий төрөл.

malloc ашиглан хуваарилсан блок санах ой яг хүснэгт шиг л хэрэглэгдэж болдог учраас хүснэгт, хаяган хувьсагч хоёр адил мэт санагддаг. Гэхдээ sizeof оператор энэ хоёр тохиолдолд өөр үр дүн буцаахыг анхаарна уу.

2 Дасгалууд

2.1 Ангид

1. Хаягийн арифметик ашиглан хүснэгтийн элементүүдийн хаягийг дараах байдлаар авч гараас утга уншиж болно. Тэгвэл хаягийн арифметик ашиглан хүснэгтийн утгуудыг хэвлэ.

```
int main()
{
   int i, a[100];
   for (i = 0; i < 5; i++)
       scanf("%d", a + i);  // &a[i]

   // xevlex wildel xiine uu.
}</pre>
```

2. Хүснэгтийн эхлэл болон, төгсгөл хаягийг дамжуулахад хэмжээ нь хэд байгааг олох size функцийг хэрэгжүүл.

```
int size(int *begin, int *end);
int main()
{
    int i, n;
    scanf("%d", &n);
    int a[n];
    printf("%d\n", size(a, a + n)); // n-ii utgiig xewlene.
    return 0;
}
```

3. Хүснэгтийн эхлэл болон, төгсгөл хаягийг дамжуулахад хүснэгтээс х тоог хайж, байрлалын хаягийг буцаах find() функцийг хэрэгжүүл. Олдохгүй бол NULL хаягийг буцаана.

```
int *find(int *begin, int *end, int x);

int main()
{
    int a[5] = {3, 7, 1, 2, 4};
    int *p, x;
    printf("xaix too: ");
    scanf("%d", &x);
    p = find(a, a + 5, x);
    if (p == NULL)
        printf("%d too oldsongui\n", x);
    else
        printf("%d too %d bairlald oldloo\n", x, p - a);
    return 0;
}
```

- 4. Дээрх find функцийг ашиглан хүснэгтээс х тоо олдох бүрд у утгаар солих програм бич.
- 5. Хоёр хүснэгтэн хаяг дамжуулахад завсар байгаа утгуудыг эсрэгээр нь хадгалах функцийг бич.

```
void reverse(int *begin, int *end);

int main()
{
   int a[5] = {3, 7, 1, 2, 4};
   reverse(a, a + 3);
   int i;
   for (i = 0; i < 5; i++)
       printf("%d ", a[i]);  // 1 7 3 2 4
   return 0;
}</pre>
```

2.2 Гэрт

1. Ангийн 1-р дасгалд хийсэн хаягаар гараас авах хэвлэх үйлдлүүдийг функц болго.

```
void read(int *begin, int *end);
void print(int *begin, int *end);
```

2. Дараах функцийг ашиглан хүснэгтийн 0-с 4 утгад гараас авсан утгыг хадгал.

```
void read(int *p)
{
    scanf("%d", p + 2);
}
```

3. Доорх функц хамгийн их тэгш тоо агуулсан мөрийн хаягийн буцаах бол тэр мөрийг хэвлэн харуул.

```
int *find(int a[][100], int n, int m);
```